



ბ. ლეუვახი

მოსუტი—კაცმა რომ თქვას, შე შენზე ახალგაზრდა გამოვდივარ: შენ 1916 წელს ხარ დაბადებული, მე კი სამდვი-  
ლად ჩვიდმეტი წლის ოქტომბერში დავიბადე.

# ნუნუნი





ნახ. ა. ბანძელაძისა

**ეკონომისტი**—მოხილოცავს, 48 წლის გამხდარხარი მუშა—რას აზრობ, კაცო? მე და ოქტომბერი ერთი ახაკიხა ვართ. ეგ სად გამოიანგარიშეთ?  
**ეკონომისტი**—ქარხანაში... გუშინ შევაჯამე, 1965 წლის ანგარიშში მუშაობ!

ელექტროგაყვანილობის სარემონტო ავტომანქანა შუა ქუჩაში გაჩერებულიყო და კუდივით მალლა აეპრიხა მრგვალი, მოძრავი ბაჭანი, რომელზეც სპეცტანისამოსში გამოწყობილი კაცი იდგა და უზარმაზარ პლაკატს ამავრებდა სახლებს შორის გამბულ მავთულზე: „გაუმარჯოს დიდი ოქტომბრის სოციალისტური რევოლუციის 38 წლისთავს!“, ამოიკითხა პეტრემ პლაკატის მოზრდილი ასოები. ასანთი ვაჰკრა, უკვე მესამედ ჩამჭრალ პაპიროსს მეოთხედ მოუყიდა და გააბოლა.

ჩაფიქრებული იდგა პეტრე. გულზე ჩამოკიდებული ბუდე-გადახსნილი ფოტოაპარატის ობიექტივი კი ცნობისმოყვარე ბავშვივით ათვალეირებდა ქუჩის ცხოვრებას; აგერ, ტრამვაის ლიანდაგებს შორის ერთმანეთს ხელი ჩამოართვეს ნაცნობებმა, შეჩერდნენ და ბაასი გააბეს. ბრაზმორეული რეკავს ტრამვაის ვატმანი, „გადადით, გამატარეთო“, მაგრამ ისინი ყურსაც არ იბერტყავენ. ტროტუარზე ვილაც თავგამეტებით გაპყვირის სპორტულ ტერმინებს და ხელში აფრიალებს ათშაუროიან ფეხბურთის პროგრამებს, რომელსაც გამვლელები რატომღაც მანეთად ყიდულობენ. იქით, გაქანებულ ტრამვიდან თავმოძულებულივით გადმოხტა კრელპოჯაკიანი ახალგაზრდა და პირისპირ შეჯახებულ მილიციელს ასანთი სთხოვა პაპიროსის მოსაკიდებლად...

პეტრე ბოლთას სცემდა და ფოტოაპარატის ობიექტივში ახლა სხვა სურათებიც ირეკლებოდა: დაწესებულების ეზოში საბარგო ავტომანქანას რთავენ, მალაზიის ვიტრინა გაულამაზებიათ, სახლის აივნებზე წითელი დროშები ჩამოუყიდიათ, ხეები ფერადი ელნათურებით დაუხუნძლავთ. ერთი სიტყვით, ქალაქი უკვე მზადაა საზეიმოდ, ყველას მხიარული განწყობილება დაუფლებია, მხოლოდ პეტრეა მოწყვნილი. უკვე მესამე დღე გადის, რაც რედაქტორისაგან მიიღო დავალება და აქამდე ვერ შეუსრულებია.

ვაზეთის საზეიმო ნომერში უნდა გაშუქებულიყო რესპუბლიკის უახლესი მიღწევები ყველა დარგში. ამას, რა თქმა უნდა, სათანადო ფოტოილუსტრაციები სჭირდებოდა. ამუშავდა რედაქციის ფოტოგანყოფილება, სხვადასხვა მხარეს გაემართნენ ფოტოკორესპონდენტები. პეტრე კი თბილისში დარჩა. ანდა რა უნდოდა რაიონში, ტყუილად დაიღლებოდა, დროს გააცდენდა. „გადაიღე ახალდამთავრებული ლამაზი შენობა, სასურველია კულტურული დაწესებულება იყოს: კინო, თეატრი ან სხვა“, უთხრა მას რედაქტორმა. ჰოდა, ამ დავალების შესრულებისათვის განა საჭირო იყო სხვაგან წასვლა? არც სხვა დავალებისთვის მიდიოდა პეტრე ქალაქგარეთ. „თბილისი—აი, ის ერთადერთი ქალაქი, სადაც ფოტოკორესპონდენტი ყველაფერს იპოვნის, რაიონებში სიარული წყლის ნაყვია“, ასე ფიქრობს პეტრე და უკვე რამდენიმე წელია, რაც ამ პრინციპს არ ღალატობს... თბილისზე უფრო სად მოძებნიდა ახალდამთავრებულ ლამაზ შენობებს? ჰოდა, მოძებნა კიდეც, გადაიღო კიდეც, მაგრამ ამჯერად რედაქტორმა მოულოდნელი ჯიუტობა გამოიჩინა: „საზეიმო ნომერში საუკეთესო საუკეთესოთაგანი უნდა დაიბეჭდოს. ეს კარგია, მაგრამ უფრო კარგი მოძებნეო“. „უფრო კარგად გადაიღეო“ ველარ შეპკადრა რედაქტორმა ძველ ფოტოკორესპონდენტს.

და ეძებს პეტრე „საუკეთესოს საუკეთესოთაგან“, დილიდან გამოსულია რედაქციიდან, მთელი ქალაქი ფეხით მოიარა. ვაზაფხულზე აშენებული სახლებიც კი გადაიღო, იქნებ გამოდგესო. ახლა აგერ, კიდეც ერთი შენობა მოუვიდა თვალში, მაგრამ სანამ სარემონტო ავტომანქანა შუა ქუჩაში დგას, ვერ გადაიღებს, ეფარება.

უეცრად პეტრეს ვილაცამ მძლავრად დაჰკრა ბეჭე ხელი და მთელი ტანით შემოაბრუნა. თუმცა რას შემოაბრუნებდა, თვითონ პეტრე რომ არ გაბრაზებულიყო და არ შემობრუნებულიყო თავხედისთვის პასუხის გასაცემად.

—პეტრეს ჩემი სალამი!—დაასწრო „თავხედმა“. პეტრე ერთბაშად მოლბა, გამხიარულდა კიდეც. მის წინ ძველი ამხანაგი და კოლეგა იდგა, რაიონული ვაზეთის ფოტოკორესპონდენტი.



სოფლის ინტელიგენციას გაუმარჯოს!—დამცინავად გაიღიმა პეტრემ, როდის ჩამოხვედი, ვასო?

—გუშინ. რედაქციამ რალაც დამავალა და...—ალარ დაამთავრა ვასომ, მხარზე გადაკიდული აპარატი შეისწორა. როგორა ხარ, პროვინციელო, ქალაქში გზა ხომ არ გეშლება? პეტრემ თანაგრძნობით გადახედა ამხანაგს, — ეფლობი არა სოფლის ტალახებში? ეცადე, ბიჭო, იქნებ მოახერხო აქეთ გადმოსვლა.

მეც მაგას გირჩევდი. რას? — იქნებ მოახერხო ჩვენს სოფელში გადმოსვლა, ტალახს მაინც აცდებოდი. ჩაურტყა ვასომ და თითი პეტრეს გატალახიანებულ ფეხსაცმელებისაკენ გაიშვირა.

ხუმრობაც დაგჩლუნგებია სოფელში...—მეტი ვერაფერი უპასუხა პეტრემ.

კარგი ახლა, თავი დავენებოთ ლაზღანდარობას, — გაიღიმა ვასომ, — წამო, ერთად ვისადილოთ, ფუნთულორზე ასვლა მომენტარა, ავერ ჩემი მანქანა დვას, წამო.

შენი მანქანა? — ჰო, ფეხით სიარულს როგორ გაკადრებ ქალაქელ კაცს. ამას გადავიღებ და წაივით, — დაბნეულად წარმოთქვა პეტრემ.

სარემონტო მანქანა წასულიყო, უკვე ალარ ეფარებოდა იმ სახლს, რომლის გადაღებასაც აპირებდა პეტრე.

\* \*

სალამო ხანს პეტრე რედაქციის ფოტოლაბორატორიაში იჯდა, სინათლე ჩაექრო და წითელ შუქზე ამგლავნებდა ახალგადაღებულ ფირებს. ძალიან უარობდა, მაგრამ ვასომ ორი ზაის ჭიქა ღვინო მაინც დააღვეინა სადილზე, კიდევ კარგი პეტი არ დაღია, თორემ ვეღარ იმუშავებდა. როდესაც ფირები გაშრა, პეტრემ გამაღიღებელი აპარატი მოამზადა, საუკეთესო კადრები ამოებედა და ჯერ კიდევ სველი სურათები მიურბენინა რედაქტორს.

— უკეთესი, უკეთესი: — იყო პასუხი. „უკეთესადო“, არ შეჰკადრა რედაქტორმა ძველ ფოტოგრაფს, თვითონ მიხედვსო, იფიქრა.

პეტრე შეფშოთებული დაბრუნდა ლაბორატორიაში. ხელახლა გასინჯა ფირები, მაგრამ უკეთესი არაფერი

იყო. უეცრად გაასხენდა, რომ უქანას კნელი ფირი ჯერ კიდევ არ ამოეღო აპარატიდან. იმედი მოეცა. აპარატი გახსნა. ფირი ამოიღო და გამგლავნებას შეუდგა. მაგრამ როდესაც უკვე გამზრალ ფირს სინათლეზე გახედა, გაოცდა. ეუცხოვა. „ეს რა გადამიღიაო“, გაიფიქრა. ვერც ერთი კადრი ვერ იცნო და კინაღამ ეჭვი შეეპარა, ხომ სრულ გონზე ვარ. ჰკუიდან ხომ არ შევიშალეო. ერთ კადრში რომელიღაც უცნობი შენობაც მოჩანდა, ამან სულ განაცვიფრა. სასწრაფოდ დაბეჭდა სურათი და მაშინდა მიხვდა: პეტრეს და ვასოს აპარატები შესცვლოდათ ფუნთულორზე. სწრაფად ხელი წამოავლო ვასოს აპარატიდან გამოღებულ ფირს, იმ უცნობი შენობის სურათს და რედაქტორისაკენ გაიქცა თავის გასამართლებლად. იმის სათქმელად, რომ უბედურება შემთხვა, იმის დასამტკიცებლად, რომ ასეთი უბედურება რომ არ მომხდარიყო, პირნათლად ჰქონდა შესრულებული დავალება. მაგრამ ახლა რა ქნას პეტრემ „საუკეთესო საუკეთესოთაგანი“ მის აპარატს გაჰყვა და ა. შ. შევიდა რედაქტორის კაბინეტში, ფირიც და სურათიც მაგიდაზე დაუწყო და...

— აი, ეს მესმის, მშვენიერია, — რედაქტორმა ხელში შეატარა იმ უცნობი შენობის სურათი, — ხომ ხედავ

ბევრი ეწვალე, მაგრამ ბოლოს მაინც მიაღწიე შედეგს. ასე უნდა მუშაობა.

— კი, მაგრამ ეს... ეს სურათი. — ენა დაება, პირი გაუშრა პეტრეს.

— ჰო, თავიდან უნდა დაბეჭდო. ცოტა მკრთალია. დაბეჭდე და ახლავე სტამბაში ჩაგზავნე.

— პატივცემულო რედაქტორო, უნდა მოგახსენოთ. რომ...

— რა თქმა უნდა. ბევრს იწვალედი, ისე არაფერი არ გამოვა. რა შენობაა? თბილისში გადაიღე, თუ რაიონში?

— პატივცემულო რედაქტორო, — უეცრად ხმა გამოეცვალა პეტრეს. — თქვენ წარმოიდგინეთ, ეს რაიონში გადაღებული ფოტოა, იქნებ არ დაიჯეროთ, მაგრამ...

— რა არის დაუჯერებელი... კარგად მოგიფიქრია. რაიონის მიღწევებიც უნდა ვაჩვენოთ.

უეცრად ტელეფონმა დარეკა. რედაქტორმა ყურმილი აიღო და მერე პეტრეს გაუწოდა.

— გთხოვნი:

— მეე?! — გაოცდა პეტრე, მაგრამ მაშინვე მიხვდა ვინც იქნებოდა და თაღარიგი დაიჭირა. რომ ზედმეტი არ წაშოსცდენოდა.

— ჰო, ვასო, მე ვარ... აბა. კაცო, გავვოცდი... კი, გავამგლავნე და დავბეჭდე კიდევაც. მაშ... ხვალინდელ ნომერში იქნება...

„რა იქნება?“ — ჰკითხა ყურმილში ვასომ, მაგრამ ეს რედაქტორს არ გაუგონია.

— აი, ის სურათი... შენობა. შენობა... — ფრთხილობდა პეტრე და თან რედაქტორისკენ იყურებოდა.

„რომელი შენობა, ჩვენი სოფლის ახალი კლუბი?“ — ჰკითხა ყურმილში ვასომ, მაგრამ ეს რედაქტორს არ გაუგონია.

— ჰო, ჰო, — თვალები გაუბრწყინდა პეტრეს. — ხვალ მოდი, ყველაფერს გეტყვი.

„ვერ გამოვიდა, როგორ მოადა ეგ. მაგრამ სასიარულო ამბავია; ისე კი იცოდე, ჩემო პეტრე, რომ ჩვენს „ტალახიან რაიონში“ არც ქალაქზე ნაკლები შენობებია და არც ნაკლები ფოტოკორესპონდენტები მუშაობენ, ერთს გადაიღებენ, მაგრამ გემოვნებით გადაიღებენ.“ — წარმოთქვა ყურმილში ვასომ. მაგრამ არც ეს გაუგონია რედაქტორს.

ოცნა ალფაიძე

ნახ. გ. ფირცხალავასი



სადღესაწიული ხანუქარი









ზოგიერთი ამერიკული გაზეთის ერთსა და იმავე ნომერში ერთმანეთის საწინააღმდეგო წერილები იბეჭდება ზოლმე განარაღებისა და შეიარაღების შესახებ.

ნახ. გ. ლომიძისა



**ბიზნესმენის ბასაჭიკი**

„როს ცალი თვალი იცინოდა, ცალი ხტიროდა.“


შექსპირი.

უშობლებისათვის იმდენი სააღმწიქო სატყვეპა გითქვამთ, რამდენსაც შეყვარებული არ ტყვეპა თავზე უფრო საყვარელ სატრფოს. მართალია, საზამთროდ არც სილოსი მოკმეზადებინათ და არც ბინები დაგითბუნებიათ. (თავი რომ მაწინა გომურში აქვთ, კული ღია ნაფხუზე უფრიალებთ), მაგრამ დაპირება ხომ ბევრი გათქვამთ და თქვენისთანა თავმჯდომარის პირობა ხომ საქმის მთელი თუ არა, ათი პროცენტი მაინც არის! ისიც საკვირველია, რომ ბატკნის ხორცი ბევრჯერ პირი გაგიჭინიათ და შემოსავალში კი ხუთი წლის განმავლობაში ერთიც არ გყავთ აყვანილი.

სოფლის მეურნეობის კულტურათა განვითარება და ვერც მაგაზე შეგედავებათ ვინმე თქვენს პატარა მარტოთუბანში თქვენი და ზოგიერთების წყალობით ისეა მიწის ნაკვეთები განაწილებული, რომ კოლმეურნეობას აღარაფერი რჩება. ასე, მაგალითად: თქვენი საყვარელი საწყობის გამგე ყვავაძე ზედმეტად ფლობს 2732 კვადრატულ მეტრ მიწას, კოლმეურნე ა. სილაგაძე—4550, ა. ცხადაძე—2732, ს. გურგენიძე—2622, გ. ბარბაქაძე—2690, ი. ქარუმიძე—1454, დ. კვინიკაძე—1020 მეტრს, ხოლო არაკოლმეურნე ბ. მაღლაკელიძე—3630. ასე რომ განსაზღვრული ნაწილი მიწის ნაკვეთებისა ამგვარადაა გაფანტული და თქვენც, ერთი იუმორისტისა არ იყოს, საკუთარ ბეჭზე ხომ არ დაირტყამთ თოხსა და მარს? აბა, აქ რა სახსენებელია, მაგრამ ამ მხრივ თქვენც გცოდნიათ თავის ყადრი: ამ ზაფხულს 471 მეტრ კოლმეურნეობის ნაკვეთზე სიმინდი გაგინადგურებიათ და ისეთი პამიდორი, ნესკუ და კიტრი მოგიშენებიათ, რომ მათი მაღალპროდუქტიანობა თქვენებურებს დღესაც სალაპარაკოდ აქვთ გამხდარი. დიხაბაც, რომ ასე უნდა, ძვირფასო ალექსი: ათასი მიმსვლელ-მომსვლელია, შინაური, გარეული, მოკეთე და ჭამა ხომ უნდათ? ჭამის მხრივ კი, ბუნების ძალამ მოგცეთ, ჩემო ალექსი, და მადას ვერ დაემდურებთ, არც საკუთარ თავს ივიწყებთ და არც სხვას უმწარებთ გემრიელ ლუკმას. თქვენი ვაჟკაცური მადის გამო იყო, რომ მაისის თვეში ტრაქტორისტებს ჩ. კამლაძეს და ჯ. გიორგაძეს 10 დღის განმავლობაში, 30 ჰექტარ მიწის მოხვნაში, 3 ცხვარი, 13 ფრთა ქათამი, 1 გოჭი, 5 კილო ყველი, 150 კგ სიმინდი და 412 ლიტრი ღვინო ჩამოაწერეთ. აღნიშნულიდან, ამბობენ, ტრაქტორისტებს შეათედიც არ უნახავთო, მაგრამ რა მოხდა? განა ცოტა შეუთამაშამელია კოლმეურნეობაში იმათაც ხომ კუჭი აქვთ და რაღა საკვირველია მათ ამოვსებაზეც იზრუნოს თქვენისთანა თავმჯდომარე!

მართალია, ამ საკითხზე თქვენ არასოდეს უკმაყოფილება არ გამოგიტყვამთ, მაგრამ უთქვენოდაც ვიცო, რომ თქვენი რაიონის ძველი პასუხისმგებელი ამხანაგები ახალ მთავარესავით იშვიათად გამოჩნდებოდნენ ხოლმე მარტოთუბანში: განა გაემტყუნებოდათ, ჩემო ალექსანდრე, მარტოთუბანში საავტომობილო გზა არ ამოღის და უფროსი ამხანაგის უმანქანოდ სოფელში ამოსვლა, ხომ მოგეხსენებათ, როგორი ძნელია?! მარტოთუბანი მარტოობდა და თქვენც ყოველგვარი ხელის შემულის გარეშე განაგრძობდით ჭამას და დროს ტარებას. გაზაფხულზე ბატკნებს მიირთმევდით, ზაფხულში—ვარიკებს. შემოდგომაზე—უშობლებს და ზამთარში—ყელმოღერებულ გოჭებს. ბუნებია ძალამ მოგცეთ, ჩემო ალექსი, ჭამის შეძლება. მეტი რა შეჩვენა კაცს ამ პატარა წუთისოფელში! ჭამა და სმა ადამიანის მოგონილა და თქვენც აბა, ვინლა დაგადებთ პარზე კლიტეს!

კიდევ და კიდევ ჯანმრთელობას გისურვებთ, საყვარელო ალექსი, მიგულეთ მუდაა თქვენთან.



**ზესტაფონის რაიონის სოფელ მარტოთუბნის კოლმეურნეობის თავმჯდომარეს ალექსანდრე ყვავაძეს**

თავდაპირველად ბოდიში უნდა მოვიხადო თქვენს წინაშე, ძვირფასო ალექსანდრე, ორპირი თავმჯდომარეობა გამოიკვალეთ და ერთხელაც ვერ მოვახერხე თქვენთან ამოსვლა. მართალია, 1950 წელს დაგაპირე მარტოთუბანში გამომგზავრება, მაგრამ, რა გამოვიდა, ზესტაფონში თქვენი კოლმეურნეობის თავმჯდომარეობიდან ციხეში გადაჯდომის ამბავი გავიგე და ბოდიშან გულზე სადღა შემეძლო თქვენი მოძებნა!..


მას შემდეგ ხუთმა წელმა განვლო, ნათლიამების დახმარებით თქვენ ისევ თავმჯდომარეობა განაგრძეთ, ისევ ისე მარიფათიანად უძღვებით საქმეს. მართალია, კოლმეურნეობის შემოსავალი დღითი-დღე კლებულობს, მაგრამ თქვენ ვინ დაგაბრალებთ ამ საქმეში ღვაწლის შეუტანლობას. დღე არ გასულა ისე, რომ გრძელდამიან ღვინებში თუ ფხვდომელა სადღეგრძელოებში არ გამოგეთქვათ თქვენი ჩამორჩენისა და მისი გამოსწორების სურვილი, ვითქვამთ და გულიც აგრუყვებით, დაგიღეფით და ცარიელი ჭიქა მაგიდაზეც დაგიტყამთ და, აბა, მითხარით, კაცს სადღე-

გრძელს გულში თუ არ ჩასწვდა, განა ჩაის ჭიქას ბოლომდე გამოსკლის?

მეცხოველეობის განვითარება და მაგაზე ვინ შეგედავებათ, ჩემო ალექსანდრე! განა თქვენი პირადი ინიციატივით 8.000 აგენთად არ იქნა ნაყიდი ის სამი ბებური და ავადმყოფი ძროხა, რომელთაგან ორმა უკვე თქვენი ჭირი წაიღო და ერთიც სიკვდილის პირსაა?! კოლმეურნეობის ცხვარია და თქვენი მზრუნველობით ისე კარგად არის მარტოთუბნელებს შორის განაწილებული, რომ დღესაც არავინ იცის, რამდენი სული ჰყავს კოლმეურნეობას. თუმცა რა საჭიროა მისი ცოდნა, როცა თავმჯდომარეს არც სუკის ნაჭერი აკლია და არც კიდევ ჩალაღაჯისა. ყველაფერი ასე კარგად გაქვთ აწყობილი, ჩემო ალექსანდრე, ვერავინ შეგედავებათ, მაგრამ ის არის საკვირველი, რომ თქვენს დანახვაზე გოჭები თუ ძედლები, ქათმები თუ ბატკნები ისეთ ჭკვილს და ბლავილს ასტეხენ ხოლმე, რომ კაცს სოფელში მგლის შემოსვლა ეგონება. უმადურობა თქვას კაცმა, თორემ რა აქვთ სასაყვედურო! განა მათთვის ალერსი დაგიკლიათ, გაზაფხულის ბატკნებისათვის თუ ერთწლიან

პატივისცემით ნახევი





# ბუნება და ხელოვნება

**დრამა**—როცა დრამატულ თეატრში ხალხი არ დადის. **თანავეტორი**—როცა პიესას წერს ერთი, მეორე კი ხელშეკრულებას.

**თარგმანი**—თარგმნილის გადათარგმნა დაბეჭდვის წინ.

**კომედია**—ერთ დროს გ. ერისთავი წერდა. (ერთხელ პ. კაკაბაძესაც წამოცდა).

**მოსაცდელი ოთახი**—შეცდომით წერენ ასე: უნდა იყოს: მოსაცდელი ოთახი (ზოგიერთ სამინისტროში).

**მხაჯი**—ხანდახან გუგულს ჰგავს, მხოლოდ კვერცხების მაგივრად ბურთებს დებს სხვის ბადეში.

**სტილისტური შეცდომები**—რუსთაველის პროსპექტზე მოსეირნე „სტილნი“ ახალგაზრდები.

**ტროლეიბუსი**—ჯიბესთან ნახე.

**ტყავი**—რევიზია რომ საწყობის გამგეს არ აძრობს, ის არის.

**ჯიბე**—სჯობს ტროლეიბუსშივე ნახო.

**ჯოხი**—ღირიეთოს უჭირავს ხოლმე ზოგიერთი ახალი ოპერის მოსაგერიებლად.

შეადგინა გლახუნა ლაშვა.



ქუთაისელმა მაყურებლებმა თეატრის ახალი შენობა მიიღეს, ძველი კი ფილარმონიას გადაეცა.

ნახ. ღონისა



ფილარმონიის დირექტორი დ. სარჯველაძე—თეატრის დირექტორს გ. სამხარაძეს

ამ ახალი საჩუქარით როგორც ქარი მოვიჩქარი, სეზონს გავხსნი წამთარშიაც, სიხარული გულს ამივსებს,

კონცერტი და ოპერეტა არ მოვაკლო ქუთაისლებს. თუმც უნება იყო გრძელი, თქვენ ახალი, მე კი—ძველი.


კ. გელათელი

—რაა, ხულ რომ გარდაცვილიდებ უძღვნი წიგნებს არმალანად, — რა იქნება ჩვენც, ცოცხლებიც, გაგვიხსენო ხანდახანა?

—გარდაცვილის საქმე ვიცი, თუნდ შევცოდო—მაპატიებს; ცოცხალი კი, თუ არ ვაქე, შარს მომდებს და შურს იძიებს!

## კონკურსის შედეგები

ჩვენს მკითხველს აღბათ ეხსოვება, რომ „ნიანგმა“ ა/წ. № 16-ში გამოაცხადა კონკურსი ერთი დეპეშის ხწორად ამოკითხვისათვის. დეპეშის ტექსტი ასეთი იყო: „თბილისი, ხახელგამი გოლიტიგური დიტერატურის დირექციას გინარგი იაშვილს — რედაქტორს ვტხოვ გაასცერან შრამა ტავირი შეხედულხბიხამებს — გატივტემიტ ვარ ანიანი“.



თავხატები დეპეშის შინაარხის ზუსტად ამოკითხვისათვის მეორე პრემია, ერთი მადლობის რაოდენობით, მიეკუთვნა კ. ჭიჭიას. მისგან ასეთი პასუხი მივიღეთ:

„არც პრემიას გთხოვთ, არც მადლობას; ჩვენს მიერ მიღებული დეპეშებიც გვეუფოთ თავხატებად. და, საერთოდ, კონკურსი მსგავს დეპეშათა „ავტორების“ აღმოსაჩენად რომ ჩაგეტარებინათ, ჩვენ თვითონ გეტუოდით მადლობას. „გატივტემიტ ვარ ჭიჭია“.

მეორე პრემია მიეკუთვნა, აგრეთვე, ძველ ფოხტალიონს—ს. სირბილაძეს. მისგან ასეთი პასუხი მივიღეთ: „დეპეშის შინაარხი ვერ ამოვიკითხე, მაგრამ ხელი რაღაც მეცნაურება. დიდი ხანია ეგ თანამშრომელი უნდა მუშაობდეს ტელეგრაფში, მაგრამ რატომღაც არ ხსნიან. „ნიანგს“ ვთხოვ გამოასწოროს ეს ამბავი „თავიერი შეხედულხბიხამებს“.

მესამე პრემია, უღრმესი მადლობის რაოდენობით, მიეკუთვნა ცნობილ ლინგვისტს—შ. შვიდინაძეს.

მისგან ასეთი პასუხი მივიღეთ: „რომელ ენაზეა დაწერილი დეპეშა? მივიღეთ, აგრეთვე, ერთი იურისტის პასუხი, რომელმაც ასე წაუკითხავს შემოხსენებული დეპეშის ტექსტი: „კანონის მიხედვით, სამხასურით დაკისრებული მოვალეობის დაუდევრად და ზერელედ ახრულებიხათვის, მადლობას არ ეტყვიან არც ტელეგრაფის რიგით მუშაეებს და არც ხელმძღვანელებსა“.

ამით ვამთავრებთ კონკურსს და ხიტყვას ვაძღვეთ ფოხტა-ტელეგრაფის სამმართველოს.

სარედაქციო კოლეგია: აკ. ბელიაშვილი, ო. გიგინეიშვილი, ვ. თორღუა, კ. ლორთქიფანიძე, ს. ფაშალიშვილი, გ. ჯაში.

რედაქციის მისამართი: რუსთაველის პროსპ. № 42. ტელ. 8-10-49.

კრედიტორი—ვახტანგ ჭელიძე.




ირანი შეიყვანეს ე. წ. ბაღდადის სამხედრო ბლოკში. ზოგიერთი სახელმწიფოები „ქენევის სულის“ შენარჩუნებაზე ლაღაღებენ, სინამდვილეში კი ჰქმნიან სამხედრო ბლოკებს, რომელშიც სხვა სახელმწიფოებსაც ითრევენ.

ქართული  
საბჭოთაო

ქენევი

„ფიცი გვწამს,

368  
27/11



ბოლო გვაკვირებსო

ნ.ბ. გ. ლომიძისა